

不行正道菩薩如是觀諸眾生作是念言若此眾生未成熟未調伏捨而取證阿耨多羅三藐三菩提是所不應我當先化眾生於不可說不可說劫行菩薩行未成熟者先令成熟未調伏者先令調伏是菩薩住此行時諸天魔梵沙門婆羅門一切世間輒聞婆阿脩羅等若有得見暫同住止恭敬尊重承事供養及暫耳聞一經心者如是所作悉不唐捐必定當成阿耨多羅三藐三菩提是名菩薩摩訶薩第六善現行

大方廣佛華嚴經卷第十九

磧砂大藏經

淨德書

屈撓下如資贍下時飢羸下力危脆上魚為反姝麗

上昌平反包括上布交反
下即計反包括下古活反

大方廣佛華嚴經卷第二十

平十

于闐國三藏沙門實叉難陀譯

大方廣佛華嚴經十行品第二十一之下
佛子何等為菩薩摩訶薩無著行佛子此菩薩以無著心於念念中能入阿僧祇世界嚴淨阿僧祇世界於諸世界心無所著往詣阿僧祇諸如來所恭敬禮拜承事供養以阿僧祇華阿僧祇香阿僧祇鬘阿僧祇塗香末香衣服珍寶幢幡妙蓋諸莊嚴具各阿僧祇以用供養如是供養為究竟無作法故為住不思議法故於念念中見無數佛於諸佛所心無所著於諸佛刹亦無所著於佛相好亦無所著見佛光明聽佛說法亦無所著於十方世界及佛菩薩所有眾會亦無所著聽佛法已心生歡喜志力廣大能攝能行諸菩薩行然於佛法亦無所著此菩薩於不可說劫見不可說佛出興於世一一佛所承事供養皆悉盡於不可說劫心無厭足見佛聞法及見

菩薩衆會莊嚴皆無所著見不淨世界亦無憎惡何以故此菩薩如諸佛法而觀察故諸佛法中無垢無淨無暗無明無異無一無實無妄無安隱無險難無正道無邪道菩薩如是深入法界教化衆生而於衆生不生執著受持諸法而於諸法不生執著發菩提心住於

佛住而於佛住不生執著雖有言說而於言說心無所著入衆生趣於衆生趣心無所著了知三昧能入能住而於三昧心無所著往詣無量諸佛國土若入若見若於中住而於佛土心無所著捨去之時亦無顧戀菩薩摩訶薩以能如是無所著故於佛法中心無障

礙了佛菩提證法毗尼住佛正教修菩薩行住菩薩心思惟菩薩解脫之法於菩薩住處心無所著於菩薩所行亦無所著淨菩薩道受菩薩記得受記已作如是念凡夫愚癡無知無見無信無解無聰敏行頑闇貪著流轉生死不來見佛不隨明導不信調御迷誤失

錯入於險道不敬十力王不知菩薩恩戀著住處聞諸法空心大驚怖遠離正法住於邪法捨夷坦道入險難道棄背佛意隨逐魔意於諸有中堅執不捨菩薩如是觀諸衆生增長大悲生諸善根而無所著菩薩爾時復作是念我當爲一衆生於十方世界一一國土

經不可說不可說劫教化成熟如爲一衆生爲一切衆生皆亦如是終不以此而生疲厭捨而餘去又以毛端徧量法界於一毛端處盡不可說不可說劫教化調伏一切衆生如一毛端處一一毛端處皆亦如是乃至不於一彈指頃執著於我起我我所想於一一毛

端處盡未來劫修菩薩行不著身不著法不著念不著願不著三昧不著觀察不著寂定不著境界不著教化調伏衆生亦復不著入於法界何以故菩薩作是念我應觀一切法界如幻諸佛如影菩薩行如夢佛說法如響一切世間如化業報所持故差別身如幻行

力所起故一切衆生如心種種雜染故一切法如實際不可變異故又作是念我當盡虛空徧法界於十方國土中行菩薩行念念明達一切佛法正念現前無所取著菩薩如是觀身無我見佛無礙爲化衆生演說諸法令於佛法發生無量歡喜淨信救護一切心無

疲厭無疲厭故於一切世界有衆生未成就未調伏處悉詣於彼方便化度其中衆生種種音聲種種諸業種種取著種種施設種種和合種種流轉種種所作種種境界種種生種種歿以大誓願安住其中而教化之不令其心有動有退亦不一念生染著想何以故

十

三

得無所著無所依故自利利他清淨滿足是名菩薩摩訶薩第七無著行佛子何等爲菩薩摩訶薩難得行此菩薩成就難得善根難伏善根最勝善根不可壞善根無能過善根不思議善根無_二善根自在力善根大威德善根與一切佛同一性善根此菩薩修諸

行時於佛法中得最勝解於佛菩提得廣大解於菩薩願未曾休息盡一切劫心無疲倦於一切苦不生厭離一切衆魔所不能動一切諸佛之所護念具行一切菩薩苦行修菩薩行精勤匪懈於大乘願恒不退轉是菩薩安住此難得行已於念念中能轉阿僧祇劫

生死而不捨菩薩大願若有衆生承事供養乃至見聞皆於阿耨多羅三藐三菩提得不退轉此菩薩雖了衆生非有而不捨一切衆生界譬如船師不住此岸不住彼岸不住中流而能運度此岸衆生至於彼岸以往返無休息故菩薩摩訶薩亦復如是不住生死不住涅槃亦復不住生死中流而能運度此岸衆生置於彼岸安隱無畏無憂惱處亦不於衆生數而有所著不捨一衆生著多衆生不捨多衆生著一衆生不增衆生界不減衆生界不生衆生界不滅衆生界不盡衆生界不長衆生界不分別衆生界不二衆生界何以

故菩薩深入衆生界如法界衆生界法界無有二無二法中無增無減無生無滅無有無無無取無依無著無二何以故菩薩了一切法法界無二故菩薩如是以善方便入深法界住於無相以清淨相莊嚴其身了法無性而能分別一切法相不取衆生而能了知衆

生之數不著世界而現身佛刹不分別法而善入佛法深達義理而廣演言教了一切法離欲真際而不斷菩薩道不退菩薩行常勤修習無盡之行自在入於清淨法界譬如鑽木以出於火火事無量而火不滅菩薩如是化衆生事無有窮盡而在世間常住不滅非

究竟非不究竟非取非不取非依非無依非世法非佛法非凡夫非得果菩薩成就如是難得心修菩薩行時不說二乘法不說佛法不說世間不說世間法不說衆生不說無衆生不說垢不說淨何以故菩薩知一切法無染無取不轉不退故菩薩於如是寂滅微妙

甚深最勝法中修行時亦不生念我現修此行已修此行當修此行不著蘊界處內世間外世間內外世間所起大願諸波羅蜜及一切法皆無所著何以故法界中無有法名向聲聞乘向獨覺乘無有法名向菩薩乘向阿耨多羅三藐三菩提無有法名向凡夫界無

有法名向染向淨向生死向涅槃何以故諸法無二無不二故譬如虛空於十方中若去來今求不可得然非無虛空菩薩如是觀一切法皆不可得然非無一切法如實無異不失所作普示修行菩薩諸行不捨大願調伏衆生轉正法輪不壞因果亦不違於平等妙

法普與三世諸如來等不斷佛種不壞實相深入於法辯才無盡聞法不著至法淵底善能開演心無所畏不捨佛住不違世法普現世間而不著世間菩薩如是成就難得智慧心修習諸行於三惡趣拔出衆生教化調伏安置三世諸佛道中令不動搖復作是念世

問衆生不知恩報更相讎對邪見執著迷惑顛倒愚癡無智無有信心隨逐惡友起諸惡慧貪愛無明種種煩惱皆悉充滿是我所修菩薩行處設有知恩聰明慧解及善知識充滿世間我不於中修菩薩行何以故我於衆生無所適莫無所冀望乃至不求一縷一毫

及以一字讚美之言盡未來劫修菩薩行未曾一念自為於已但欲度脫一切衆生令其清淨求得出離何以故於衆生中為明導者法應如是不取不求但為衆生修菩薩道令其得至安隱彼岸成阿耨多羅三藐三菩提是名菩薩摩訶薩第八難得行佛子何等為

菩薩摩訶薩善法行此菩薩為一切世間天人魔梵沙門婆羅門乾闥婆等作清涼法池攝持正法不斷佛種得清淨光明陀羅尼故說法授記辯才無盡得具足義陀羅尼故義辯無盡得覺悟實法陀羅尼故法辯無盡得訓釋言詞陀羅尼故詞辯無盡得無邊文句

無盡義無礙門陀羅尼故無礙辯無盡得佛灌頂陀羅尼灌其頂故歡喜辯無盡得不由他悟陀羅尼門故光明辯無盡得同辯陀羅尼門故同辯無盡得種種義身句身文身中訓釋陀羅尼門故訓釋辯無盡得無邊旋陀羅尼故無邊辯無盡此菩薩大悲堅固普攝

衆生於三千大千世界變身金色施作佛事隨諸衆生根性欲樂以廣長舌於一音中現無量音應時說法皆令歡喜假使有不可說種種業報無數衆生共會一處其會廣大充滿不可說世界菩薩於彼衆會中坐是中衆生一一皆有不可說阿僧祇口一一口能出

百千億那由他音同時發聲各別言詞各別所問菩薩於一念中悉能領受皆為酬對令除疑惑如一衆會中於不可說衆會中悉亦如是復次假使一毛端處念念出不可說不可說道場衆會一切毛端處皆亦如是盡未來劫彼劫可盡衆會無盡是諸衆會於念念

十

六

中以各別言詞各別所問菩薩於一念中悉能領受無怖無怯無疑無謬而作是念設一切衆生以如是語業俱來問我我為說法無斷無盡皆令歡喜住於善道復令善解一切言詞能為衆生說種種法而於言語無所分別假使不可說不可說種種言詞而來問難

一念悉領一音咸答普使開悟無有遺餘以得一切智灌頂故以得無礙藏故以得一切法圓滿光明故具足一切智智故佛子此菩薩摩訶薩安住善法行已能自清淨亦能以無所著方便而普饒益一切衆生不見有衆生得出離者如於此三千大千世界如是乃

至於不可說三千大千世界變身金色妙音具足於一切法無所障礙而作佛事佛子此菩薩摩訶薩成就十種身所謂入無邊法界非趣身滅一切世間故入無邊法界諸趣身生一切世間故不生身住無生平等法故不滅身一切滅言說不可得故不實身得如寶

故不妄身隨應現故不遷身離死此生彼故不壞身法界性無壞故一相身三世語言道斷故無相身善能觀察法相故菩薩成就如是十種身為一切衆生會長養一切善根故為一切衆生救令其得大安隱故為一切衆生歸與其作大依處故為一切衆生導令得

無上出離故為一切衆生師令入真實法中故為一切衆生燈令其明見業報故為一切衆生光令照甚深妙法故為一切三世炬令其曉悟實法故為一切世間照令入光明地中故為一切諸趣明示現如來自在故佛子是名菩薩摩訶薩第九善法行菩薩安住此

行為一切衆生作清涼法池能盡一切佛法源故佛子何等為菩薩摩訶薩真實行此菩薩成就第一誠諦之語如說能行如行能說此菩薩學三世諸佛真實語入三世諸佛種性與三世諸佛善根同等得三世諸佛無二語隨如來學習慧成就此菩薩成就知衆生

是處非處智去來現在業報智諸根利鈍智種種界智種種解智一切至處道智諸禪解脫三昧垢淨起時非時智一切世界宿住隨念智天眼智漏盡智而不捨一切菩薩行何以故欲教化一切衆生悉令清淨故此菩薩復生如是增上心若我不令一切衆生住無

上解脫道而我先成阿耨多羅三藐三菩提者則違我本願是所不應是故要當先令一切衆生得無上菩提無餘涅槃然後成佛何以故非衆生請我發心我自爲衆生作不請之友欲先令一切衆生滿足善根成一切智是故我爲最勝不著一切世間故我爲最上

住無上調御地故我爲離瞖解衆生無際故我爲已辦本願成就故我爲善變化菩薩功德莊嚴故我爲善依怙三世諸佛攝受故此菩薩摩訶薩不捨本願故得入無上智慧莊嚴利益衆生悉令滿足隨本誓願皆得究竟於一切法中智慧自在令一切衆生普得清

淨念念徧遊十方世界念念普詣不可說不可說諸佛國土念念悉見不可說不可說諸佛及佛莊嚴清淨國土示現如來自在神力普徧法界虛空界此菩薩現無量身普入世間而無所依於其身中現一切刹一切衆生一切諸法一切諸佛此菩薩知衆生種種想

種種欲種種解種種業報種種善根隨其所應爲現其身而調伏之觀諸菩薩如幻一切法如化佛出世如影一切世間如夢得義身文身無盡藏正念自在決定了知一切諸法智慧最勝入一切三昧真實相住一性無二地菩薩摩訶薩以諸衆生皆著於二安住大

悲修行如是寂滅之法得佛十力入因陀羅網法界成就如來無礙解脫人中雄猛大師子吼得無所畏能轉無礙清淨法輪得智慧解脫了知一切世間境界絕生死迴流入智慧大海爲一切衆生護持三世諸佛正法到一切佛法海實相源底菩薩住此真實行已

一切世間天人魔梵沙門婆羅門乾闥婆阿
脩羅等有親近者皆令開悟歡喜清淨是名
菩薩摩訶薩第十真實行爾時佛神力故十
方各有佛刹微塵數世界六種震動所謂動
徧動等徧動起徧起等徧起踊徧踊等徧踊
震徧震等徧震吼徧吼等徧吼擊徧擊等徧

擊兩天妙華天香天末香天曼天衣天寶天
莊嚴具奏天樂音放天光明演暢諸天微妙
音聲如此世界夜摩天宮說十行法所現神
變十方世界悉亦如是復以佛神力故十方
各過十萬佛刹微塵數世界外有十萬佛刹
微塵數菩薩俱來詣此土充滿十方語功德

十

九

林菩薩言佛子善哉善哉善能演說諸菩薩
行我等一切同名功德林所住世界皆名功
德幢彼土如來同名普功德我等佛所亦說
此法衆會眷屬言詞義理悉亦如是無有增
減佛子我等皆承佛神力來入此會爲汝作
證十方世界悉亦如是尔時功德林菩薩承

佛神力普觀十方一切衆會暨于法界欲令
佛種性不斷故欲令菩薩種性清淨故欲令
願種性不退轉故欲令行種性常相續故欲
令三世種性悉平等故欲攝三世一切佛種
性故欲開演所種諸善根故欲觀察一切諸
根欲解煩惱習氣心行所作故欲照了一切

佛菩提故而說頌言

一心敬禮十力尊
境界深遠無倫匹
過去人中諸最勝
勇猛第一無等倫
現在十方諸國土
離垢清淨無礙見
住如虛空道中者
功德無量無所著
彼離塵者行斯道
善能開演第一義

離諸過惡最清淨
未來所有人師子
已發諸佛大悲心
三世所有無比尊
於一切法皆平等
普見無量無邊界
彼無依者行斯道
周徧遊行於法界
彼饒益者行斯道
自然除滅愚癡暗
彼大力人行此道
一切諸有及諸趣

見已其心不分別
法界所有皆明了
永破瞋慢及愚癡
於諸眾生善分別
自然覺悟不由他
盡空所有諸國土

彼無動者行斯道
於第一義最清淨
彼功德者行斯道
悉入法界真實性
彼等空者行斯道
悉往說法廣開喻

所說清淨無能壞
具足堅固不退轉
願力無盡到彼岸
無量無邊一切地
悉能知見靡有遺
一切句義皆明了

彼勝牟尼行此道
成就尊重最勝法
彼善修者所行道
廣大甚深妙境界
彼論師子所行道
所有異論悉摧伏

於法決定無所疑
遠離世間諸過患
能為無等大導師
恒以無畏施眾生
其心清淨離染濁
意業清淨極調善

彼大牟尼行此道
普與眾生安隱樂
彼勝德者行斯道
普令一切皆欣慶
彼無等者行斯道
離諸戲論無口過

威光圓滿眾所欽
入真實義到彼岸
諸佛護念恒不忘
遠離於我無惱害
十方國土靡不周
檀波羅蜜已成滿

彼最勝者行斯道
住功德處心永寂
彼滅有者行斯道
恒以大音宣正法
彼絕譬者行斯道
百福相好所莊嚴

眾生見者皆欣悅
智地甚深難可入
其心究竟不動搖
法界所有悉能入
神通自在靡不該
諸無等等大牟尼

彼最勝慧行斯道
能以妙慧善安住
彼堅固行行斯道
隨所入處咸究竟
彼法光明行此道
勤修三昧無二相

心常在定樂寂靜
微細廣大諸國土
如其境界悉了知
意常明潔離諸垢
護持眾戒到彼岸
智慧無邊不可說

彼普見者行斯道
更相涉入各差別
彼智山王行此道
於三界中無所著
此淨心者行斯道
普徧法界虛空界

善能修學住其中
三世一切佛境界
未嘗暫起疲厭心
善能分別十力法
身業無礙得自在
十方無量無邊界

彼金剛慧行斯道
智慧善入悉周徧
彼最勝者行斯道
了知一切至處道
彼功德身行此道
所有一切諸衆生

我皆救護而不捨
於諸佛法勤修習
淨治一切諸世間
了知衆生根不同
種種諸界皆明達
十方世界無量刹

彼無畏者行斯道
心常精進不懈倦
彼大龍王行此道
欲解無量各差別
此普入者行斯道
悉往受生無有數

未曾一念生疲厭
普放無量光明網
其光所照入法性
震動十方諸國土
不令衆生有驚怖
善解一切語言法

彼歡喜者行斯道
照耀一切諸世間
此善慧者行斯道
無量億數那由他
此利世者所行道
問難酬對悉究竟

聰哲辯慧靡不知
善解覆仰諸國土
悉使住於無盡地
功德無量那由他
於其一切到彼岸
超出世間大論師

此無畏者所行道
分別思惟得究竟
此勝慧者所行道
爲求佛道皆修習
此無盡行所行道
辯才第一師子吼

普使群生到彼岸
諸佛灌頂第一法
心恒安住正法門
一切衆生無量別
決定護持佛法藏
能於一一語言中

此淨心者所行道
已得此法灌其頂
彼廣大心行此道
了達其心悉周徧
彼如須彌行此道
普爲示現無量音

令彼衆生隨類解
一切文字語言法
住於真實境界中
安住甚深大法海
了法無相真實門
一一佛土皆往詣

此無礙見行斯道
智皆善入不分別
此見性者所行道
善能印定一切法
此見實者所行道
盡於無量無邊劫

觀察思惟靡暫停
無量無數諸如來
於一毛端悉明見
一毛端處見諸佛
一切法界悉亦然
無量無邊無數劫

此匪懈者所行道
種種名號各不同
此淨福者所行道
其數無量不可說
彼諸佛子行斯道
於一念中悉明見

知其脩促無定相
能令見者無空過
而於所作心無著
那由他劫常遇佛
其心歡喜轉更增
盡於無量無邊劫

此解脫行所行道
皆於佛法種因緣
彼諸最勝所行道
終不一念生疲厭
此不空見所行道
觀察一切衆生界

未曾見有一衆生
修習無邊福智藏
利益一切諸群生
法界所有諸品類
了彼皆依言說住
能於一一三昧中

此堅固士所行道
普作清涼功德池
彼第一人行此道
普徧虛空無數量
此師子吼所行道
普入無數諸三昧

悉至法門幽奧處
忍力勤修到彼岸
其心平等不動搖
於一世界一坐處
而於一切普現身
無量無邊諸國土

平十

此論月者行斯道
能忍最勝寂滅法
此無邊智所行道
其身不動恒寂然
彼無邊身行此道
悉令共入一塵中

十三

普得包容無障礙
了達是處及非處
成就如來最上力
過去未來現在世
恒以智慧悉了知
了達世間時非時

彼無邊思行此道
於諸力處普能入
彼第一力所行道
無量無邊諸業報
此達解者所行道
如應調伏諸衆生

悉順其宜而不失
善守身語及意業
離諸取著降衆魔
於諸法中得善巧
辯才宜說無有窮
陀羅尼門已圓滿

此善了者所行道
恒令依法而修行
此智心者所行道
能入真如平等處
此佛行者所行道
善能安住無礙藏

於諸法界悉通達
三世所有一切佛
一性一相無有殊
已扶一切愚癡膜
普施衆生清淨眼
已具一切諸導師

此深入者所行道
悉與等心同智慧
此無礙種所行道
深入廣大智慧海
此有目者所行道
平等神通無二行

獲於如來自在力
徧遊一切諸世間
悉令於義得決了
能於佛智及解脫
以信而生智慧根
能於一念悉了知

此善修者所行道
普兩無邊妙法兩
此法雲者所行道
深生淨信永不退
此善學者所行道
一切衆生無有餘

了彼衆生心自性
法界一切諸國土
其身最妙絕等倫
佛刹無邊無有數
菩薩於彼悉現前
菩薩能以獨一身

達無性者所行道
悉能化往無有數
此無比行所行道
無量諸佛在其中
親近供養生尊或
入於三昧而寂定

今見其身無有數
菩薩所住最深妙
其心清淨常悅樂
諸根方便各差別
而了諸根無所依
能以方便巧分別

一一皆從三昧起
所行所作超戲論
能令衆生悉歡喜
能以智慧悉明見
調難調者所行道
於一切法得自在

十方世界各不同
諸根微妙行亦然
誰其聞者不欣慶
智眼清淨無與等
如是智慧巧分別
所有無盡廣大福

悉在其中作佛事
能為衆生廣說法
此等虛空所行道
於一切法悉明見
此無等者所行道
一切修行使究竟

令諸衆生悉清淨
普勸修成助道法
度脫衆生無有數
一切機緣悉觀察
普示衆生安隱處
成就最上第一智

此無比者所行道
悉令得住方便地
未曾暫起衆生想
先護彼意令無諍
此方便者所行道
具足無量無邊智

於諸四眾無所畏
 一切世界及諸法
 亦入一切眾會中
 十方一切國土中
 為法施主最無上
 一身結加而正坐

此方便智所行道
 悉能徧入得自在
 度脫群生無有數
 擊大法鼓悟群生
 此不滅者所行道
 充滿十方無量刹

而令其身不迫隘
 能於一義一文中
 而於邊際不可得
 於佛解脫善修學
 成就無畏為世雄
 了知十方世界海

此法身者所行道
 演說無量無邊法
 此無邊智所行道
 得佛智慧無障礙
 此方便者所行道
 亦知一切佛刹海

智海法海悉了知
 或現入胎或初生
 如是皆令世間見
 無量億數國土中
 實不捨願歸寂滅
 堅固微密一妙身

眾生見者咸欣慶
 或現道場成正覺
 此無邊者所行道
 示現其身入涅槃
 此雄論者所行道
 與佛平等無差別

隨諸眾生各異見
 法界平等無差別
 樂觀一相心不移
 於諸眾生及佛法
 所有持力同於佛
 神足無礙猶如佛

一寶身者所行道
 具足無量無邊義
 三世智者所行道
 建立加持悉究竟
 最上持者行斯道
 天眼無礙最清淨

耳根無礙善聽聞
 所有神通皆具足
 善知一切塵所儔
 其心正定不搖動
 所有境界皆明達
 已到一切功德岸

此無礙意所行道
 隨其智慧悉成就
 此賢智者所行道
 其智廣大無邊際
 一切見者所行道
 能隨次第度眾生

其心畢竟無厭足
 三世所有諸佛法
 從於如來種性生
 隨順言詞已成就
 常能趣向佛菩提
 一光照觸無涯限

此常勤者所行道
 於此一切咸知見
 彼諸佛子行斯道
 乖違談論善摧伏
 無邊慧者所行道
 十方國土悉充徧

普使世間得大明
隨其應見應供養
教化衆生百千億
爲令衆生出世間
此行廣大無邊際
假使分身不可說
悉共稱揚彼功德
菩薩功德無有邊
假使無量無邊佛
何況世間天及人
能於無量無邊劫

此破暗者所行道
爲現如來清淨身
莊嚴佛刹亦如是
一切妙行皆修習
云何而有能知者
而與法界虛空等
百千萬劫無能盡
一切修行皆具足
於無量劫說不盡
一切聲聞及緣覺
讚歎稱揚得究竟

十六乘

大方廣佛華嚴經卷第二十

平十

大方廣佛華嚴經卷第二十一 章

于闐國三藏沙門實叉難陀譯

十無盡藏品第二十二

尔時功德林菩薩復告諸菩薩言佛子
菩薩摩訶薩有十種藏過去未來現在
諸佛已說當說今說何等爲十所謂信
藏戒藏慙藏愧藏聞藏施藏慧藏念
藏持藏辯藏是爲十佛子何等爲菩薩
摩訶薩信藏此菩薩信一切法空信一
切法無相信一切法無願信一切法無作
信一切法無分別信一切法無所依信
一切法不可量信一切法無有上信一
切法難超越信一切法無生若菩薩能
如是隨順一切法生淨信已聞諸佛法
不可思議心不怯弱聞一切佛不可思